



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Francofordiana. In Francofordiam Jul. Cæs. Scaliger.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

ex illustr. familia Comitum á Schauvenburch oriundo, electo die XIII. Januar. An. M. D. XLVII. qui pié & prudenter Archiepiscopatu præfuit annis IX. mens. II. dies XXV. tandemq; ultimum diem in Domino clausit. Anno M. D. LVI. die XX. Septemb.

IBIDEM.

Reverendiss. Dn. D. Antonio, electo, ac confirmato Princ. Electori Colonien. S. Romani Imperii per Italiam Archicancellario, legatoq; nato, Westphaliæ & Angariæ Duci, &c. ex illustri familia Comitum á Schauvenburch oriundo. electo an. M. D. LVI. die XXVI. Octob. qui fratri suo succedens, in domino obdormivit, an. Domini M. D. LVIII. die XVIII. Junii. atq; præventus morte fratri iustum monumentum erigere non potuit, uti cœperat, Reverendissimus Dom. Gerhardus Archiepiscopus, Princ. Elector Colonien. dominis & affinibus suis charissimis pietatis ergó posuit, anno M. D. LXI.



FRANCOFORDIANA.
IN FRANCOFORDIAM JUL.
CÆS. SCALIGER.

*Multa laboratis debet Francofordia sulcis:
Multa racemiferis vinea culta jugis.
Quid referam, quanta & qua convexere metalla?
Qua Mars bellipotens, qua petit alma Ceres?
Huc Italus patriis miratur partibus orbem,
Advectum huc stupuit Gallia magna suum.
Hic oriens, hic terra novis comperita sub astris
Agnoscit genii semina plena sui.
Nec tamen in brutis sola hac commercia rebus
Hic animi aeterna sed cumulantur opes.
Quod si res, paucas, operosa est dicere merces;
Non magis est, cunctas res operosa dare.*

AD PRÆDICATORES.

Anno 1486. obiit in Comitibus Francofurti Albertus Marchio Brandenburg. cujus intestina in illa æde servantur: corpus in Heilsbrun.



MOGUNTIAE.

IN ARCIS CONCLAVI
QUODAM.

Incepta Deus ipse domus nisi limina ponat;
Noster frustrata deperit arte labor.

Ibidem supra aliud ostium.

Exulat in terris, & quas homo possidet ædes,
Hospitii tantum jure caducus habet.

SPIRENSIA.

IN SUMMO TEMPLO.

Anno Domini 1039. Conradus Secundus Imperator,
secundo Nonas Julii obiit.

PROAVUS JACET ISTIC.

xv. Kl. Martii Gisela Imperatrix obiit.

HIC PROAVI CONJUNX.

Anno Dominicæ incarnationis 1056. Henricus Tertius Niger tertio Non. Octob. obiit.

AVUS HIC.

Anno Dominicæ incarnationis 1106. Henricus Quartus senior vii. Idus Augusti obiit.

PATER HIC.